

應九星下接九域幽冥之中此說洞知天剛
豁落萬法總持洞依剛斗呢 切勿四

時任意施為避病神鬼戰闖被圍制伏邪味

覆斗冲關而宣呪詩斗要妙兮十

二神步天罡兮 鬚髯兮浮青雲

七變動兮登陽明知變化兮有吉凶歷斗

兮 天關合律兮將甲乙履天英兮乘天

任抱天柱兮遠天心以此度兮登天禽倚天

輔兮躡天冲入天內兮出天蓬斗道通兮剛

柔濟天福祿兮留萬世清冷泉兮何陸沉入

杳冥兮千萬歲豁落神兮除百穢千鬼萬神

皆自斃埋頭向地無動無作急急如

此斗九皇帝星君律令

巍巍洪範太丹玉笈禁書非中下界所聞之

法文雖口受訣在天傳無纖真文不登仙品

妄傳混俗罪積非常輕易泄機禍連九族非

得志人秘之宜也

玄精碧匣靈寶聚玄經卷上

玄精碧匣靈寶聚玄經卷中

六氣混元部

取二

太初肇判三景開明九玄之中清陽網緼八

景冥合挺生六神光煥紫虛鬱流玉精分道

敬軀六十之辰五行凝結洞耀九宮金木水

火土變化堆堆分景散靈千有八十出玄入

微洞達無窮氣包天地精冠太空能離能合

能陰能陽能上能下能死能生能有能無能

成能敗天無六甲三光不明地無六甲五嶽

不成人無六甲不能保生道而演之妙道之

根能通此靈六合齊真用參天地萬法之門

六氣順運旋轉十天六甲流布周行幽冥甲

子之祖名曰桃平甲子之父合景遊拜甲子

之孫曰王文卿甲戌之祖名曰避方甲戌之

父刀兵萬重甲戌之孫曰展子江甲申之祖

名曰上蓋張甲申之父三會龍英甲申之孫

曰扈文長甲午之祖名曰五冲甲午之父三

練六支甲午之孫曰衛上卿甲辰之祖名曰

三寧甲辰之父羅列羽兵甲辰之孫曰孟非

輕甲寅之祖名帶理非甲寅之父秉金荷旄

甲寅之孫曰明文章在帝之庭調理陰陽六

十之子造化維綱所居六宮祚運休祥正官

直符前官六合左官太陰後官九地中官勾

陳循環逆順上佐萬真六十甲子助成天德

年建月建日建時建期神立之垂名適典

飛天法輪部

廓落高張八卦分列剛柔磨盪經緯不竭俯

仰天地稱綸日月天幹地旋始生丹元一氣

繞通上應天蓬運水於下幽都玄宮壬癸乘

位變化無窮元氣凝滯閉塞而冬天道不備

上昏下蒙金至則結木至則空水至則冰土

至則崩火至則滅神明莫通坎卦已陷門生

其中故名休門陽氣始布萬物以萌遠行練

卒事始取行為無不利出逢陰人紫碧之衣

或見交爭若守萬官乃迫乃凶風盡氣潰朱

靈開昧因他之利戊己生外厚載之基上應

天內立秋物死日殞之鄉金至則質木至則

藏水至則澄火至無光土積為丘萬物皇皇

地氣不昇門主其中故名死門陰氣盛焉葬

埋甲咳形戮追失吉有所行中途異疾出途

患人或聞哭泣運入坎宮迫塞之凶氣行乎
震蘭臺之宮雷無電擊上應天冲春令方布
賜谷潛通甲乙來位萬葉千紅金至則缺木
至則森水至則潤火至則魂土至則阜萬有
部分氣運大通門生其中故名傷門得以理
功大宜漁獵殺傷有獲若以言行中逢盜賊
出見火光伐木取梁運入坤艮迫則凶殃氣
接天雷蓄風巽戶春夏之交上應天輔金至
則伐水至則墓火至則炎土至則庫木至則
林萬該鼓舞發泄過中門名曰杜杜者塞也
六陽絕數邀繫誅逆隱伏神助出逢男女並
行道路剔損手足以應其玄又為吉事知入
昏霧運入艮坤謀者必誤中來 官生黃
庭五星齊輝上應天禽上下無常坤母而乘
天 靈府之興為父之道上應天心金
剛為體百靈已成金至則響木至則榮火至
則育水至則清土至則巍熟知其神高不可
仰低不可侵門生其中故名開門陰氣盡矣
變化之因速行得喜大宜出軍為無不就酒
食交迎出逢茶酒或見貴人運至震巽迫則

虛名大化以彰肅殺可懼尚書宮中上應天
柱庚辛之神嚴令以布金至則光木至則荒
水至則潤火至則土至則竭萬木焦黃天
地不安故名驚門吉事必危凶事必貞戰鬪
攻破他危我存出逢害脚眇目之人或聞恐
怖或見交爭吉行中道為吏所擒運至震巽
其禍立生天地失德酷之大甚宮生玉房上
應天任陰陽迴運萬有俱刑金至則朗木至
則萌水至則潤火至則溫土至則穡故得生
成天道大同故名生門子謀必獲謁貴得親
出逢巧藝皂衣獨行或見車馬紫黃衣人和
氣已播不可殺生出征戰敵必犯天噴坎宮
迫害取漬幽冥挺立終霄南陵炎星純陰交
結上應天英夏之為氣丙丁之精金至則冶
木至必焚水至則死火至則興土至則飛萬
物薰蒸四方赫奕故名景門上書遺賜慶戰
破圍吉行中道路必亡遺出逢鳥噪或有追
呼又有酒食見人赤鬚窮神知化悔吝殊途
九星八門旺相之圖鼓之雷霆旺子之符闕
之風雨相身之居日月相繼死父之模寒暑

運行因鬼之戶陰陽相薄休妻為預動靜有
常群分物聚逆之則災迫之則苦八卦已彰
八門同處吉凶榮辱逐時為主萬用皆知非
特軍旅凡欲有為興衰是取

旋斗歷箕部

大哉九皇喉舌天地變化九坡各分其隸天
蓬子禽上歸丹元下守地玄保守長久立國
安邊起造移徙失火連綿嫁娶傷產商賈逢
寃出行軍旅春夏宜前秋冬莫往難保迴轉
性土水火盜賊之愆安墳立塚却保萬全此
日之時黑雲靄天赤雲大勝青雲莫先白雲
無功黃雲沛顛日奇乘之挽槍凶源月奇乘
之伏龍不伏星奇乘之文昌英鮮天內子成
上居朱靈下守地阜交結受道最得良助遷
移築室大有迷誤嫁娶訟修秋冬益戶大忌
出軍軍亡將殆出行經商分財散侶口舌非
理八方塞杜此日之時雲生煙霧黑雲則吉
白雲難拒赤雲盜侵青雲事慎日奇乘之浮
雲蔽注月奇乘之脫厄可去星奇乘之解攻
挫武天冲子翹上居蘭臺下守地倉行軍伸

恥威耀八方破圍攻敵得以安康嫁娶產厄
 傷敗相妨上官移徙死亡不臧祭祀商賈離
 流他方此日之時雲氣潛藏猛風激雷四極
 飛颺日奇乘之龍威得光月奇乘之印燈永
 長星奇乘之福祿繁昌天輔子卿上居天霽
 下守地剛行軍大勝萬里雄強秋冬無功可
 過邊疆移徙婚姻春夏榮昌上官利武起造
 尤良秋冬用之盜賊凶殃商賈不利築室禎
 祥此日之時天末雲忙青雲勝敵赤雲
 黑雲亡敗白雲彷徨日奇乘之百戰百長月
 奇乘之五福悠長星奇乘之冠帶榮裝天禽
 子公上居黃庭下享地齡祭 斷滅凶
 群行軍四季立爵遠巡執仇討賊不戰俱擒
 葬埋 五福來臨上官文吉移徙如心春
 夏之月小撓來侵所為百事無不豐榮此日
 之時雲氣深沉日光是朗敵畏其名日奇乘
 之雙輔得人月奇乘之日月踊輪星奇乘之
 還同七珍天心子襄上居靈府下守地魁求
 靈治疾不至徘徊行軍戰伐得勝擒魁春夏
 不利秋冬無災遷移嫁娶得遇媒築室祠

祀惹起凶衰行船隱遁稱欲而迴商賈起造
 立見崩頽此日之時雲氣崔嵬不可出戰動
 則鋒摧天清朗然萬里通開日奇乘之曜明
 九坡月奇乘之試水探財星奇乘之車駟迎
 來天柱子由上居高書下守地晶大宜固守
 勿可行軍全師不返將者哀聲嫁娶離別修
 造災侵移徙商賈百事不任私藏隱跡却保
 安寧此日之時雲氣如蒸青雲喪亂赤雲兵
 臨黑雲奸至黃雲有驚日奇乘之匿辜絕音
 月奇乘之杜塞防擒星奇乘之復榮而凶天
 任子韋上居玉房下守地杜行軍大勝萬里
 無阻嫁娶大昌上官不武商築修移反招憂
 苦春夏尤宜謁貴神助此日之時雲生煙霧
 東西南北八方得路不戰用謀敵人自懼日
 奇乘之金玉如堵月奇乘之重光入戶星奇
 乘之龍壽昇舉天英子房上居絡雲下守地
 形遠行舟楫君子交迎出師敗績商賈財空
 修造屋宇失火重重上官祠祭瘟疫來鍾若
 言嫁娶大有興隆此日之時赤氣陰穢攻擊
 退失亦有狂風是為不吉動則兵凶日奇乘

之雷奮天中月奇乘之障翳英雄星奇乘之
 禦鐵難通休囚乘之出戶呼從凡出天蓬三
 稱子公萬神遊避得以全功凡為將臣切記
 心腎
 迴度五常部
 天道高邈五常迴度陰陽位分幹有十數甲
 為天福開闔門戶能知三甲一開一杜不知
 三甲六甲盡杜攻戰行來客兵神助賞功封
 爵伏吟喜遇聞事並虛冥謁及賈入官有喜
 移遷嫁娶不可行移天庭不護六乙為直往
 來恍惚日精相從與時俱出行兵大勝名曰
 天德攻者必權殺者必獲聞憂不憂聞喜不
 喜移徙上官商賈大利若行威刑欺妄立至
 六丙為直萬兵其往比若侯王攻戰母賞大
 宜行軍聚立營杖月精相從受人欽讓入官
 者遷市賈無量聞憂不憂聞喜必暢不可私
 惠乃主逆叛又名天威所為與旺六丁為直
 出幽入冥神鬼難明至了不刑安刀在頸尚
 安無驚逃亡絕迹人不見形憂喜事無災因
 婦人人市有利上官遷名又曰玉女勿可揚

兵六戊為直乘龍萬里道無呵止大宜遠征
無憂有喜上官市賈並得少利又為天武凶
亡必治六己為直如神所使不知勾神出沒
凶咎秘密陰私為無不就無喜有憂入官遷
授嫁者半吉市利半有又曰 發明故舊

六庚為直抱木而行強有出者必逢鬪爭又
曰 事多邪觸舉事之時必被凌辱若也
得知不抱三木不 反縛入獄聞憂必
憂聞喜未卜固守主 必戮嫁娶

利市必感大行斬伐以為天哭六辛為直行
逢死人強有出者罪罰纏身又為天庭毀垣
而行若也不知身被刑羅網自纏罪繫公
庭行軍主勝憂喜平平入官有位後不遠名
市賈不售嫁娶災臨以正法律却可戒懲六
壬為直為吏所禁強有出者非福來臨又為
天牢必遇冤讎為無吉利吏必呵留行兵主
勝追盜必囚入官移徙三縣五州憂喜俱無
市利難收六癸為直眾人莫視不知網神出
門即死又為天藏求仙可以憂喜俱無嫁娶
無子兵行絕蹤入官遷起移室困窮市賈中

止天幹主司吉凶所倚順吉避凶如斯已矣
受度歷關部

上官攝柄八門最良六神司之以陰輔陽陽
年開門直為主乾宮起子順九天堂陰年
起杜勾神為主年起子逆次九地傍年定起
月月定而椿就起初一巡至何方視龜蓍象
坎官宜祥坐其傷門任不久長星加天內尤
為不良逢英神杜若起凶殃驚門在坎虛度
時先必招愆期治疊還鄉

下元 死門陰 開門五陽年起

景門合 休門九

上元 杜門陰 生門九

若會開門終始安康恩霑龍澤朝見君王若
會休門萬 政聲美譽九天稱揚若會
生門不感而治八方無競九地 若會景

門公明得薦名傳六合紫詔來翔若會杜門
勾陳上 水火盜賊隄備按章若會死門太
陰下元號令失正立有停喪傷驚二門日月
之方日逢二元急且潛藏凡得日吉復欲時
利星門位吉方成大器一切字格為官不遂

符事相刑立致敗戾門立三奇永嘉鼎位
戰關必勝部

凡欲戰關先審日時陽時高鼓鳴鐸張旗陰
宜潛伏消敵之威我寡得安彼眾必危倉卒
接戰循門安奇立於天乙萬里鋒摧次居直
事敵畏如雷背生擊死得勝無疑天陰雨沉
四方昏迷又無刻漏難分正時須憑運式或
氣可知奇門合處已午未知或臨日將奇門
同比又有三勝法背亭亭擊其白奸向其天
門又背月建次背生神二星相入足馬不存
四散全備難保朝昏符事加白大損其軍大
刑飛伏車馬損輪九星衰弱敗勢傷魂九天
之上大宜揚耀九地之下可以守屯太陰之
官隱伏如神六合之官私謀潛奔大凶大殺
官犯勾陳甲丙相互威德之靈上五陽宅下
三吉星奇門不迫星儀不刑繹此四科萬事
必寧時干克日將主虛聲行軍出陣亡敗之
名靜則晦昧動則無榮丙加死門字亂將成
死加丙奇陣亂縱橫丙加傷門戰 傷
加丙奇內亂紛紜乙加死門營寨空存死加

乙奇軍器 乙加傷門不可攻擊傷加乙
 奇敗不堪輪知有此式將 來不可敵
 去莫可追與君一法斬桃陰枝取皮書符足
 履斗魁草木化人助我軍威爭山奪險尅敵
 破圍如破投卵順合天機不可肆殺恐招愆
 期告爾將成正心勿迷

宿命因緣部

人倫婚姻陰陽直圖周堂天吉東震為棋大
 月起坎順行艮戶小月起兌逆行坤隅入巽
 損公入艮換姑入高傷 入坎尅夫入兌殺
 婦入乾無虞乾坤震位慶集門間陰陽有將
 支干相犯陰將殺妻陽將殺夫陰陽不將上
 合天符每月厭前取其天干厭後一位次把
 支扶支干合日不將為除大槩如此未為合
 經欲得無災先考九星九宮所隸凶吉殊分
 先定天蓬次取天英水火之性唯禍乃膺一
 官曰坎二官曰坤一兒兩女 此今生門神
 不吉父母不存殺妻三人離了再婚運入震
 官兒女尅盡門吉一女子出廢人運入巽官
 兒女兩雙全陽得半全陰絕房主立他姓必

招外郎運入乾宮兒女兩房移昭六子三陰
 三陽女大男小以得高強運入兌官夫妻不
 刑四子三女保得平生運入艮官父母生離
 妻懷無子多損多疲運入高官家舍不寧背
 其祖業多子多孫晚年一子破蕩門戶一女
 有憂一子貴次有天任天內天禽三星為
 使任性常沉運入坎官兩兒 三陽災至
 母疾子分運入坤官家舍不明門合則吉不
 合則凶子孫不定為道為僧運入震官主生
 兩女或為兩姓陰陽 二妻有尅定有三
 婚運入巽官四兒兩女子孫吉泰父母增榮
 運入乾宮陰陽三人三陽損妻三陰殺兄運
 入兌官五子六女僧道俱出門吉則許門逆
 則損前後父母運入艮官夫妻不定兒女八
 人分頭養命門吉則安門凶則病運入高官
 父母有隔老得二子多生少得又主就婚乃
 為贅客天沖天柱金神木主運入坎官望門
 妻苦兒女八人六人死嫁運入坤官少年散
 失三人損二晚年孤立運入震官先尅父母
 不然兄弟以及妻盡門吉一子又生二女繼

得吉昌也破外祖運入巽官五陽三陰吉門
 尤吉家道隆興運入乾宮五兒四女中生貴
 人離隔父母運入艮官女多子少多尅妻凶
 不然逃走全家絕嗣有子必離八陽尅六眼
 不光露外姓寄住星在兌高天輔天心福得
 彌深運入坎官五陽各存一子逃亡一人貴
 名妻犯產厄祖破財分運入坤官三子三女
 若生四女定損一丁離了祖宅亦出富人運
 入震宮定生四陽內有大貴家道榮昌運入
 巽官主生四子二人大富二人至貴代代不
 絕貴中有貴運入乾宮望門尅妻不然絕嗣
 家道飛灰運入兌官四兒二女兒子尅盡兩
 重父母運入艮官子生多積止得一子妻尅
 五 運入 官 不然離隔三陽好
 聞內有貴人家隆豐厚

萬象開張部

造宅修屋九皇最該大要禽輔天心星來奇
 乙 丁 生 甲丙五位官神德合
 六甲得使進祿添財丁癸相加乙辛相墓三
 奇入墓焉得無災二星相入大刑飛伏一切

字格立見哀哉又詳化氣直事神裁變為八
色九宮飛排上元之年甲子起坎乙丑之月
逆至高魁丙寅居良次序逆迴中元之年甲
子起巽乙丑之月震逆為媒下元之年甲子
起兌乙丑之月逆至乾開六十位上次第輪
迴月色之法亦取三元上元之歲正月起良
二月居兌三月乾天中元之歲正月坤上二
月起坎三月離前下元之歲正月申中五月
巽四三月震邊各宮定位並起中垣一白二
黑三綠四碧五黃六白七赤英鮮八白九紫
八卦之原假今定局以坎為例一白為五中
宮起內二黑飛乾三綠飛兌四碧飛艮五黃
飛離六白飛坎七赤坤外八白飛震九紫巽
會添人進寶喜慶咸來修逢二黑死門之精
橫遭官事及犯徒刑鰥寡夫婦多有喪停修
逢三綠傷門之精偏損孕婦骨肉離分殺傷
自縊盜賊相親修逢四碧杜門之精官司驚
險瘟黃到門禍主人死立見災逆修逢五黃
犯著瘟星披頭枷鎖斷絕六親閉門而厄天
禍頻頻修逢六白開門之精亥子之月漆口

進金羽衣人交橫寶相成修逢七赤驚門之
精
腹中常患連惹小人

修逢八白生門之精
人進口家道隆興修逢九紫景門之精
添財進喜取驗分明生向八

門此訣同論
斬絕地根部

葬埋之法支幹通靈甲庚之日比申與寅丙
壬之日比辰午申六己之日比未與酉六戊
之日遁甲無聞乙辛丁癸比酉與配玉犬高
吹金雞獨鳴地虎不食可保千春須要是日
山向奇門下通地曜上合天星坐山定穴吉
凶預存羽以廉貞宮以文曲徵以破軍角以
巨門商以貪狼起於中庭次飛出乾坎兌為
鄰若犯文曲家道不興離鄉男子淫佚女人
若犯破軍病訟不停長女殺夫長男戮刑若
犯祿存兒孫短天腰駝背曲眼失明若犯
廉貞官事牽累父子分別橫死他程貪狼武
曲輔弼巨門加官寶耀慶集門庭內得一星
名利超榮入塚之時亦定九星禽心冲吉次

輔天任死門蓋奇及以開門下穴百日萬福
來臻斬絕地戶削滅死根天地定矣萬邦遁
形雖雄七殺正呼傍鄰重賄三殺太歲諸神
周維衆惡怎敢照臨忌驚傷杜及景休生并
五不遇門迫儀刑三奇入墓反伏之吟坎應
一載坤應二春九宮九歲災禍來侵欲知新
故穴向無難聚玄了知不須登攀先定死門
乃為法式先鋒助之穴向其間旺在支下休
凶對顏次其日墓乃是來山明堂放水登明
來還貴人
逆則及是虎去龍

開反吟八卦迴龍出求珠不

三合六合祖墳在側陰陽不備後龍短慳四
至不
墓前左右支食最良亥子

隔水寅卯橋梁丑為田
劫巳午窰傍申為官路未即社堂酉寺神宇

戌是荒村日辰墳也天內主藏土神土將重
疊雙雙木多林茂水多流長火多光秀土多
峯巒金多岩石道不虛揚茲實通神九地靡
常

擒神捉鬼部

人之有生繼之以死觸犯身星壽將止矣欲知方隅八卦為起子午卯酉男命之始一歲艮八二歲九離女命中五巽四逆迴寅申己亥中五為儀二歲乾六女艮逆推辰戌丑未起於坤維二歲震三女亦坤迴二歲乃坎犯者厄贏一歲十歲零數順飛命星之殺對宮為之鬼神所在各附其宜乾為天門巽為風戶直使所在鬼在藩籬坎為水宮離乃火府直使所在鬼附房閣艮為丘山坤為地戶直使所在鬼附廚幢竈神之側辰出商歸震曰雷門兌為大澤祖先堂內西出神迴掬勦之法若梯若媒上土下木斯即竈堆上金下木非刀而誰五行配象合體而推助生產法陰陽相持五行缺一致令生運深可憐憫故泄天機妖邪遠避子母分離後來賢哲依吾救之直符甲乙以水淋漓直符丙丁以木令歌直符戊己以火焚圍直符庚辛以土篩飛直符壬癸以金鳴催返吟伏吟外家生歸五以備降厄神切勿驚怖可保無違直使陽宮乃生男女直使陰位不返閉大法

萬神咸遵神霄玉府八卦雷霆驅神捉鬼變九宮一轉天地知聞凡欲遠行謁貴嫁娶市求立門而呪先出地戶六甲九章天圓地方四時五行青赤白黃太乙持我日月為光禹帝治道蚩尤避兵青龍隨軒白虎挾行熒熒前引卻除不祥明星北斗誅罰凶殃五神侍我周旋四方當我者死背我者亡左杜右稷寇盜伏藏行者逢吉留者必良五神所在所需皆昌急如律令禹步而藏牽籌閉戶左入天門立門而呪勿入圍疆天門天門今日吉昌玉女侍我左右遊傍行來四出不逢禍殃君子見我喜樂未央所求如意百事吉昌急如律令禹步入堂立於玉女再見呪意三稱玉女六神至矣試與我行到其某處杳杳冥冥觀吾形人不聽聲鬼不見精善我者福惡我者殃莫令邪鬼見我行藏當我者死追我者亡千人已上萬人之中見我喜悅急如律令左手劃地閉門而去行六十步不可回顧得神扶持精邪避路倘或攻戰捉神驅處先出天門別念呪語

青龍白虎朱雀玄武陳六合送我某許天返地覆九道皆塞有來追我至此迷惑以東為西以南為北乘車追我折其轂輻騎馬追我掩其馬目步行追我腫其兩足乘船追我急令傾覆揚兵來者今兵自伏明星北斗卻敵萬里謀我者亡追我者止牽牛織女化成江河禹步右轉迴入地戶立門而呪喏喏澤澤行無天返地覆心中所欲得隨我意使汝迷惑隨斗所指與神俱遊急如律令轉入與天逐精行若雷電八極耀明徹表視裏無物不伏兵戈自滅謀我者絕對我之人魂飛魄竭急如律令出門施設鎖鬼縛神玉女呪曰某上玉女急來護我無令百鬼邪中傷我人莫見我人莫識我人見我者以為東嶽人識我者目為非人獨開我門而閉他戶急如律令閉門而去又有戰鬪倉卒不停急於對敵天地不成左手持刀劃地一句本日支上入局中庭午向作方丁罡呪文某甲有急佐我扶我

匿我藏我母使敵人來中傷我今他五兵自當摧折當我者亡謀我者死自死敵人冥冥嘿嘿戰者迷惑直門戶神甚為我亂去魂魄急如律令左旋而出門戶之神亦要知名甲子旬中門神徐儀戶公孫齊解履而出敵不敢隨甲戌旬中門石戰御戶神徐何大呼而去甲申旬中門司馬光戶神天可解冠而去甲午旬中門神明衆戶神千行將衣振掉閉門而去甲辰旬中門公孫錯戶司馬勝解髮而去甲寅旬中門公孫光戶司馬強解帶而去。○去或下有塞閉戊安營大將持刀立於天門本旬戌上取土六斗俵於六戊按刀呪云泰山之陽恒山之陰盜賊不起狼虎不行城郭堅固如同金關千凶萬惡莫之敢干急如律令

必驗之術

混合百神部

天地定位山澤通氣雷風相薄水火相濟

混而成之吉凶分隸六甲

加甲青龍出地喜信必來門合則美門塞星

凶空有財至六甲加乙青龍入雲三奇門交貴子生成星于不利虛得其名六甲加丙青龍返首凡事亨通無得長火門儀不合亦難得就六甲加丁青龍曜明三門合吉宜謁貴人改官遷職大有英名符事投凶立待詞刑

六甲交已青龍合靈吉星主財吉門事成屋門不合徒費精神六甲加庚青龍符格起咎成凶在于不測星吉門順亦宜靜默六甲加辛青龍失驚門中一合萬事從心凶星上立財利亡傾六甲加壬青龍網羅陰人困之灾害多多陽人用之詭譎不和六甲加癸青龍華蓋門合吉星永無灾害若傷死門陰奸陽會六乙加甲陰中返陽凶星財破人口損傷陰人才合陽人荒張六乙加乙日奇伏刑貴人問之主失其名門合再叙門逆喪停六乙加丙奇儀順格吉星臨之授官遷職夫占其妻必有離隔六乙加丁朱雀入墓文書入官架閣留住星門吉泰文詞得路六乙加己日奇入霧土木混同兩有交互求事得微門非必悞六乙加庚日奇自刑聞起爭財必入訟

庭星門不吉夫妻外情六乙加辛青龍逃走失財逃亡二事俱醜強立強為定無長故文

陽人主失病是陰人六乙

加癸日入天網

財凡事虛安六丙加甲飛跌穴

所有謀圖一切洞徹六丙加乙月

奇浮虛

稱情六丙加丙月奇字格

門逆財亡門順虛迫六丙加丁奇入朱雀

文書亨通貴占權握常人得之公文擔閣六

丙加己火字入刑文書不來獄中有人星吉

門順空禁虛名星乖門逆徒杖而刑六丙加

庚榮入太白家事熬煎又逢盜賊門合星吉

賊在人獲星門相遺禍生因客六丙加辛月

精合枯久病之人藥師來救文狀入官亦能

成就六丙加壬字亂來臨文訟公庭因淫婦

人庶人流離貴人失名六丙加癸華蓋字師

陰人用之灾禍相隨必因詞訟後必無虧六

丁加甲青龍得光貴人遷職常人得良星符

合處喜美非常六丁加乙格為人適得喜非

常責人薦論改祿受權實為廣運六丁加丙
 奇中復奇多生口舌事生踉蹌貴招官祿常
 人刑之六丁加丁奇入太陰望文書至遠大
 名深兩重文意凡百遂心若信近用名為伏
 吟六丁交已火入句神文狀詞凶始因女人
 私中有私往則刑名六丁交庚織女尋牛不
 有私情災逢冤讎陰人無理刑禁官愁六丁
 交辛未雀入獄官人刑囚亦遭剝落常人枷
 鎖百日放却六丁交壬五神相和丁壬化木
 財 貴人賜祿文狀平和六丁交癸朱
 雀沉吟 公私不協兩有
 相傷六已加甲犬入青龍門合吉星
 門逆凶星所幹成空六已加乙墓 不明
 星門合 合而逆凡幹不成六
 已加丙格名字師 陰人
 大忌奸亂乖違六已加丁奇入墓名文書當
 訴門合吉神先論得理後對遺德六已加已
 地戶逢鬼陰人望信信者難委門符合處遠
 信來至六已加庚刑格之名陰人發用必得
 陽人陽宜靜默陰主私情六已加辛魂神入

墓家有陰人鬼妖驚戶符門合處小口災遇
 六已加壬刑網高張陰人奸惡陽人遺傷門
 迫星凶兩人俱亡六已加癸地刑玄武陰人
 沉吟寢病不語門合星拱遂成疾苦六庚加
 甲刑青龍格財利多榮星門法則不合則凶
 合則危厄六庚加乙日合大格百事安然尤
 當織默墨門乖凶官方刑迫六庚加丙太白
 入癸失亡被盜難獲難尋門合星吉賊物知
 情符門不吉官事來臨六庚加丁名曰亭亭
 文狀爭論私匿之情符門逆背詞訟難成六
 庚加己刑格凶否獄囚之人難有伸理六庚
 加庚太白之名官事遂發獄禁平人凶期百
 日却有舒情六庚加辛干格白虎占路傷亡
 必失伴侶有事難休定執客主六庚加壬蛇
 格之名陰陽占信迷路無音傷門主災死門
 夜停六庚加癸大刑之格占路遠求陰人疾
 厄鬼賊相扶遂生離格六辛加甲龍困遭傷
 係官爭財陰人不妨陽人 六
 辛加乙白虎猖狂失財破家人多死亡遠行
 六辛加丙干合焚滅文狀虛

詞競爭財物星門不 六辛加丁
 獄神入奇遠行經商利倍得遲星門不
 六辛加己刑獄之格奴婢欺主先自
 刑克門吉星強虛成累及六辛加庚白虎傷
 格兩女爭男皆因酒色星合門凶醜聲難寒
 六辛加辛獄入自刑求財喜合利用陰人陽
 人用之災害時臨六辛加壬蛇入獄刑兩男
 爭女訟逼難停門符合吉首者遭黥六辛加
 癸直格華蓋陰人用之無災無害吉門吉星
 陽人得財兼有酒食喜慶成來六壬加甲蛇
 化為龍陰人求事喜慶重重陽人求事有始
 無終六壬加乙格名小蛇陰人伏災陽人傷
 嗟孕生貴子祿馬光華六壬加丙蛇入冶爐
 詞訟爭論空自無圖若災刑禁出則招徒六
 壬加丁干合蛇形文書財喜大宜陰人貴人
 官祿常人平平六壬加己蛇凶入獄大禍將
 成夫妻不睦罪若有刑金銀需足六壬加庚
 太白騎蛇刑獄公明好分正邪如逢傷死刑
 戮無差六壬加辛騰蛇格干符門雖吉亦不
 可安所有運謀內生欺瞞六壬加壬羅網自

玄精碧匣靈寶聚玄經卷中

纏陰人利用陽人莫前三吉不入凡事無緣
六壬加癸騰蛇飛空家不和睦室女私通星
門俱吉信息隆隆六癸加甲羅網青龍財喜
姻親必遇吉人星門不合陽人訟刑六癸加
乙華蓋逢星貴人寵祿權柄如輕常人怪

人得依若
六癸加丙蓋過寺師貴人受官小
六癸加丁騰蛇

夫矯陰人文書為凶之兆損財

六癸加己華蓋蛇戶陰人間夫求至居住
門順
六癸加庚大格飛名只

宜上官握柄雄聲公事得遲錢財有爭六癸
加辛獄入天牢軍吏遭繫罪惡難逃門吉星
吉虛禁無勞六癸加壬復見騰蛇陰人絕子
又復離家理順後嫁未保年華六癸加癸天
網高張行旅失約遊去四方合處相得逆處
相傷昔日舉要計一百千留甲十千寄戊同
安且以八方人來意用九宮支上却討時干
如住宮中來人時是已課對宮從交上看玄
微秘典一訣萬端倘非志士切莫與觀天機
深惜智在克寬

玄精碧匣靈寶聚玄經卷下

取三

天地山澤部

天地定位陰陽分離圖書出數支干紀時八
卦成立九宮相隨悔吝有兆存亡預知干名
遁甲支曰六壬一虧一盈變化高低獨用六
壬星門干缺如用遁甲神殺支虧支干不備
吉凶奚為深慮後世無能廣規止以先鋒言
識情微次將統體罔察興衰末於盡勢決其
安危神將休旺仍辯尊卑造化強弱吉凶可
期此乃皮膚不盡根蒂天地樞機有道可窺
總曰壬遁察見毫釐聰明賢哲故能一之欲
為萬事首出三奇先鋒助之各有其宜旺相
在門喜氣怡怡權利兩遂行逢忻嬉日祿在
門君子提携酒食財穀動靜惟歸日馬在門
圖幹碌碌公私失望返覆奔馳日合在門陰
人助力陰謀成就貴人相依若逢惡將未免
生疑日破在門口舌難會結交喪約口許心
違日劫在門盜賊失脫爭官難理財化塵飛
日鬼在門病者難醫若謀他事是反成非日
墓在門水陸傾危尤防血光殺騎徘徊空亡